

Aplikuesit ndërkombëtarë

Mundësia e dytë e Irinës

Mësuesja përgatitore Irina (30 vjeç) nga Granada e Spanjës punon për Diakonie Neuendettelsau. Ajo jeton në Gjermani prej katër vitesh. [Lexoni historinë e Irinës këtu.](#)

Nëse dëshironi të jetoni dhe punoni në Gjermani si shtetas i një vendi tjetër, Diakonie ofron mundësi për ju. Për të pasur sukses me aplikimin, ju lutemi lexoni udhëzimet vijuese.

Pyetjet më të shpeshta

[Cila është gjëja më e rëndësishme që duhet të dini për të punuar për Diakonie?](#)

Diakonie është organizata e mirëqenies sociale të kishave protestante në Gjermani. Gjëja më e dobishme që duhet të dini është se organizata jonë është një rrjet prej 30,000 institucioneve me mbi 500,000 punonjës në disa mijëra qytete, qyteza dhe fshatra, por nuk kemi një departament qendror të Burimeve Njerëzore. Kopshtet tona, shtëpitë e pleqve, spitalet, institucionet e invalidëve dhe të tjerë e organizojnë vetë punësimin. Gjeni me saktësi se çfarë doni të bëni së pari dhe pastaj aplikoni për pozicionin e caktuar pranë një institucioni të veçantë.

Diakonie ofron pozicione për rreth 30 profesione të ndryshme në sektorin e shërbimeve sociale dhe kujdesit shëndetësor. Megjithatë, për shkak arsyesh ligjore, aplikuesit ndërkombëtarë do ta kenë më të lehtë të hyjnë në punët e azileve dhe kujdesit ndaj të moshuarve. Por ne mund t'ju tregojmë histori suksesi të punonjësve të sektorit të kujdesit ndaj fëmijëve dhe mësuesve përgatitorë që ia kanë dalë mbanë në institucionet tona.

[Ku mund të aplikoj nëse dua të punoj për Diakonie?](#)

Ju lutemi dërgoni aplikimin tuaj direkt në institucionet tona si kopshtet Diakonie, shtëpitë e pleqve, spitalet ose institucionet për invalidët. Por merrni parasysh me kujdes cilit institucion i drejtoheni. Vetëm disa prej tyre kanë përvojë me punonjës ndërkombëtarë. Ka shumë mundësi që ato të përgjigjen më shumë se të tjerët. Kjo është një listë e tyre:

- [Agaplesion Gesundheitskonzern](#) (punë në spitale për infermierë)
- [Bruderhaus Diakonie](#) (punë në kujdesin ndaj të moshuarve për infermierë dhe mundësi stazhi po në këtë sektor)
- [Diakonie Neuendettelsau](#) (punë në kujdesin ndaj të moshuarve për infermierë)

- [Dialog Akademie](#) (trajnim i përparuar për infermierë me kualifikime profesionale nga vende të tjera, që duan të marrin një kualifikim profesional gjerman)
- [Diakonie Württemberg](#) (mundësi stazhi në kujdesin ndaj të moshuarve për të rinjtë nga Kosova)
- [Diakonie-Pflege Verbund Berlin](#) (kurse për ndihmës infermierë për refugjatët)
- [Diakonie Wolfsburg](#) (shpallje punësh në gjuhë të ndryshme, veçanërisht për infermiere dhe ndihmës kujdesi)
- [CareFlex](#) (agjencia diakonale e rekrutimit, program për [infermierë nga Italia](#), por e interesuar edhe për [aplikues nga vende të tjera](#))

Këtë listë do ta mbajmë të përditësuar në versionin anglisht. Kontrolloni këtu.

[Cilat janë zgjedhjet e mia në institucionet Diakonie?](#)

Mund të aplikoni si vullnetar ndërkombëtar për 12 muaj shërbim ([më shumë informacion këtu](#)). Kjo do t'ju japë mundësinë të njiheni me Gjermaninë dhe punëdhënësin tuaj, para se të vendosni të qëndroni. Por mos harroni të kontrolloni mundësitë menjëherë pas përfundimit të shërbimit vullnetar! Askush tjetër nuk do të kujdeset për këtë.

Ju mund të aplikoni edhe si stazhier dhe ta kryeni stazhin në Gjermani. Për shkak arsyesh ligjore, aplikuesit ndërkombëtarë do ta kenë më të lehtë të hyjnë në stazhët e azileve dhe kujdesit ndaj të moshuarve.

Nëse keni kualifikime profesionale në shërbimet shëndetësore, mund të kërkonti miratimin e tyre në Gjermani. Ndërkohë që prisni miratimin, mund të punoni si ndihmës infermier ose kujdestar. Pasi miratimit të kërkesës suaj, mund të punoni si një infermier ose kujdestar i rregullt.

[Çfarë mund të bëj nëse aplikimi im refuzohet?](#)

Institucionet Diakonie mund të mos përgjigjet ose refuzojë aplikimin tuaj për arsye të ndryshme: Ndoshta personi përgjegjës nuk flet gjuhën që ju keni përdorur në aplikim. Ndoshta ai ose ajo nuk e kupton CV-në tuaj ose certifikatat. Ndoshta ai ose ajo nuk ia ka idenë nëse kualifikimet tuaja vlejné në Gjermani. Ndoshta institucionet nuk kanë përvojë me aplikuesit ndërkombëtarë. Tani, çfarë mund të bëni në mënyrë që shanset tuaja të jenë më të mira herën tjetër?

Merrni sa më shumë hapa të nevojshme para se të aplikoni. Për shembull, kërkonti miratimin e kualifikimeve tuaja nga autoritetet gjermane. Mësoni gjermanisht dhe sillni një certifikatë gjuhe të nivelit B2. Merrni ndihmë nga një shërbim këshillimi për procesin ligjor (shihni pyetjen e radhës). Provoni të gjeni një folës amtar të gjermanishtes, që ofron t'ju përkthejë CV-në tuaj falas, ju ndihmon me formularët dhe ju shoqëron në takime me autoritetet dhe institucionet Diakonie.

[A ofron Diakonie këshillim për aplikuesit ndërkombëtarë?](#)

Procesi ligjor është pak i ndërlikuar. Ka shumë rregulla të ndryshme në varësi të shtetit nga vini, punës që doni të bëni dhe faktit nëse jeni një aplikues i rregullt ndërkombëtar / emigrant / person që keni fituar azil ose refugjat / azilkërkues. Për ta përmbledhur, mund të themi se në varësi të formimit tuaj individual, mund t'ju duhet një miratim i kualifikimeve tuaja profesionale ose certifikatat e shkollës, kontratë pune ose kontratë paraprake nga një punëdhënës gjerman, leje nga Agjencia Federale e Punësimit për të punuar në pozicionin e caktuar që ju është ofruar, leje pune nga Zyra e Regjistrimit të të Huajve, leje vendbanimi (vizë) dhe leje të përgjithshme pune.

- [Welcome Center Sozialwirtschaft Baden-Württemberg](#) (këshillim për aplikuesit ndërkombëtarë që duan të punojnë në Gjermaninë Jugperëndimore)
- [Youth Migration Services](#) (shërbim këshillimi veçanërisht për refugjatët dhe emigrantët e rinj)
- [Projekt Ankommen – Llegar – Chegar - Arrivare – φτάσετε](#) (këshillim për shtetasit e BE-së, Berlin)
- [Zentrale Anlaufstelle Anerkennung](#) (shërbim këshillimi veçanërisht për miratimin e kualifikimeve profesionale, Hamburg)
- [Migrationsdienste](#) (qendra këshillimi për refugjatët dhe emigrantët e rritur)

Këtë listë do ta mbajmë të përditësuar në versionin anglisht. Kontrolloni këtu.

[Cilat gabime duhet të shmang?](#)

Ju lutemi mos e dërgoni aplikimin tuaj te shoqata jonë federale në Berlin (Diakonie Deutschland). Ne nuk ofrojmë punë në azile apo kujdes, ne bëjmë lobing.

Ju lutemi mos dërgoni emaile të paqarta si “Jam nga X dhe dua të punoj në Gjermani.” Nuk mund t'ju ndihmojmë kështu. Gjeneroni me saktësi se çfarë doni të bëni së pari dhe pastaj aplikoni për pozicionin e caktuar pranë një institucioni Diakonie. Ju lutemi përfshini CV-në, certifikatat, një foto tuajën dhe një letër motivimi.

Sigurohuni që flisni pak gjermanisht para se të aplikoni. Meqenëse do të punoni me njerëz në nevojë, duhet të jeni në gjendje të flisni me ta. Kërkohen aftësi në gjuhën gjermane të nivelit B2. Aplikuesit që nuk flasin fare gjermanisht vështirë se mund të pranohen.

Histori suksesi

- [Luminita \(37 vjeç\) nga Rumania](#): "Trajnimi i përparuar ishte shumë argëtues"
- [Alba \(22 vjeç\) nga Spanja](#): "Ndjej një lidhje më të thellë emocionale me pacientët"
- [Peninah \(21 vjeç\) nga Kenia](#): "Me kalimin e kohës gjërat u bënë më të lehta"

